

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 105-7938/20 DŽS *dfs*  
Zenica, 13.07.2020. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-7936-1/20 DŽS od 13.07.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

**O D L U K U**  
**o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-7936/20 DŽ od 13.07.2020. godine u postupku dodjele okvirnog sporazuma za nabavku usluge monitoringa otpadnih voda (tri glavna ispusta) i prihvata se preporuka Komisije za nabavke da se okvirni sporazum zaključi sa ponuđačem:

**TQM d.o.o. Lukavac**

kao najbolje ocijenjenom ponuđaču, prema ponudi protokolisanom pod brojem: 501-7013/20 od 18.06.2020. godine, za ponuđenu cijenu od 2.997,00 KM, bez uračunatog PDV-a.

II

Cijena ponude iz čl.1. ove Odluke, nakon provedene e-aukcije je umanjena za 0,1 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču TQM d.o.o. Lukavac, u skladu sa članom 98. Zakona o javnim nabavkama.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 105-5944/20 BS od 26.05.2020.godine kao i Odlukom o izmjeni Odluke o pokretanju postupka javne nabavke broj: 105-6250/20 BS od 03.06.2020.godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 3.000,00 KM.

Dana 27.05.2020. godine na Portalu javnih nabavki, istovremeno sa objavljivanjem Obavještenja o nabavci broj: 439-7-2-247-3-15/20 objavljena je i tenderska dokumentacija, a dana 03.06.2020. godine i Ispravka za obavještenje o nabavci broj: 439-7-2-247-8-20/20.

Poziv za preuzimanje tenderske dokumentacije broj: 406-5944-2/20 BS od 27.05.2020. godine upućen je sljedećim ponuđačima:

1. HERKON d.o.o. Mostar
2. INSPEKT RGH d.o.o. Sarajevo
3. TQM d.o.o. Lukavac

U prilogu Izvještaja o radu Komisije dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 09.07.2020. godine u 10:34 sati.

Rok za dostavljanje ponuda je bio 18.06.2020. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj kovrti, i to:

1. ZAGREBINSPEKT d.o.o. Mostar
2. HERKON d.o.o. Mostar
3. TQM d.o.o. Lukavac
4. Inspekt RGH d.o.o. Sarajevo

U toku postupka ponuđači su putem portala [www.ejn.gov.ba](http://www.ejn.gov.ba) postavljali pitanja na koja je ugovorni organ odgovorio takođe putem portala [www.ejn.gov.ba](http://www.ejn.gov.ba), a u skladu sa članom 56. Zakona o javnim nabavkama.

Komisija za nabavku imenovana je Odlukom broj: 105-4040/20 BS od 23.03.2020.godine.

Komisija za nabavku je dana 13.07.2020. godine direktoru preduzeća dostavila Izvještaj o radu broj: 501-7937/20 od 13.07.2020. godine i Preporuku o izboru najpovoljnijeg ponuđača broj: 501-7936-1/20 od 13.07.2020. godine u postupku nabavke usluge monitoringa otpadnih voda (tri glavna ispusta).

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- ukupno 6 (šest) ponuđača je preuzelo tendersku dokumentaciju i ispravku tenderske dokumentacije sa Portala javnih nabavki.

Dana, 18.06.2020. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju konkurentskog zahtjeva broj: 406-6250-1/20 BS od 03.06.2020. godine – Nabavka usluge monitoringa otpadnih voda (tri glavna ispusta), a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je ponuđena cijena ponuđača neprirodno niska.

Svi ponuđači su dostavili formalno – pravno ispravne i tehnički prihvatljive ponude, te im je ugovorni organ, shodno odredbi čl.4. Pravilnika o načinu korištenja e-aukcije, zakazao e-aukciju za dan 13.07.2020. godine, u terminu od 10:00 sati. Svi ponuđači su dostavili traženi dokaz o preferencijalnom tretmanu domaćeg.

Ponude ponuđača, prije početka e-aukcije su:

1. ZAGREBINSPEKT d.o.o. Mostar, sa ukupnom cijenom ponude u iznosu od 3.000,00 KM bez PDV-a
2. HERKON d.o.o. Mostar, sa ukupnom cijenom ponude u iznosu od 3.000,00 KM bez PDV-a
3. TQM d.o.o. Lukavac, sa ukupnom cijenom ponude u iznosu od 3.000,00 KM bez PDV-a
4. Inspekt RGH d.o.o. Sarajevo, sa ukupnom cijenom ponude u iznosu od 3.000,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. TQM d.o.o. Lukavac, sa ukupnom cijenom ponude u iznosu od 2.997,00 KM bez PDV-a
2. HERKON d.o.o. Mostar, sa ukupnom cijenom ponude u iznosu od 3.000,00 KM bez PDV-a
3. Inspekt RGH d.o.o. Sarajevo, sa ukupnom cijenom ponude u iznosu od 3.000,00 KM bez PDV-a
4. ZAGREBINSPEKT d.o.o. Mostar, sa ukupnom cijenom ponude u iznosu od 3.000,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. TQM d.o.o. Lukavac, sa ukupnom cijenom ponude u iznosu od 2.997,00 KM bez PDV-a
2. HERKON d.o.o. Mostar, sa ukupnom cijenom ponude u iznosu od 3.000,00 KM bez PDV-a
3. Inspekt RGH d.o.o. Sarajevo, sa ukupnom cijenom ponude u iznosu od 3.000,00 KM bez PDV-a
4. ZAGREBINSPEKT d.o.o. Mostar, sa ukupnom cijenom ponude u iznosu od 3.000,00 KM bez PDV-a,

te dala preporuku da se okvirni sporazum na period od 24 mjeseca zaključi sa najuspješnijim ponuđačem TQM d.o.o. Lukavac.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

#### **DOSTAVLJENO:**

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Sekretar Komisije
- 3 x Članovima Komisije
- 1 x a/a



DIREKTOR

*Pašalić Emir*  
Pašalić Emir, dipl.ing.građ.